

VICEPRESIDENCIA E CONSELLERÍA DE PRESIDENCIA, ADMINISTRACIÓNS PÚBLICAS E XUSTIZA

DECRETO _____ /2017, do _____ de _____, polo que se modifica o Decreto 104/2012, do 16 de marzo, polo que se fixa a formación mínima dos socorristas acuáticos e se crea e regula o Rexistro Profesional de Socorristas Acuáticos de Galicia.

O Decreto 104/2012, do 16 de marzo, polo que se fixa a formación mínima dos socorristas acuáticos e se crea e regula o rexistro profesional de socorristas acuáticos de Galicia constituíu unha primeira regulación completa para a habilitación da profesión na Comunidade Autónoma.

A referida normativa estableceu a ordenación da habilitación profesional e principalmente, entre outras, regula o seu obxecto, ámbito de aplicación e definicións, requisitos profesionais, inscrición, formación mínima e rexistro.

Os dous eixos centrais regulamentados determináronse no artigo 6, relativo á formación mínima, e na disposición transitoria única, relativa á inscrición provisional.

En relación ao primeiro deles, a formación mínima para o acceso ao rexistro e consecuentemente para a habilitación profesional, constituíu e constitúe a referencia mais importante, xa que logo vén a supoñer o establecemento duns novos altos estándares de calidade e capacitación para o desenvolvemento da profesión en Galicia, ao esixir estar en posesión da cualificación profesional de socorrismo en instalacións acuáticas, ou/e da cualificación profesional de socorrismo en espazos acuáticos naturais, dependendo do ámbito en que vaian desenvolver a súa actividade.

Así, o certificado de profesionalidade convértese no motor central de cambio e especialmente significativo da regulación, establecendo a esixencia da súa posesión para exercer a profesión, sendo que deste xeito aumentase notablemente a cualificación da formación dos profesionais e consecuentemente a vixilancia, seguridade e a prestación de calidade do servizo á cidadanía usuaria en consonancia co sistema nacional de cualificacións e formación profesional, que ten entre os seus fins capacitar para o exercicio de actividades profesionais e promover unha oferta formativa de calidade, e neste ámbito, o certificado, tanto en instalacións acuáticas como en espazos acuáticos naturais supón unha garantía suplementaria para os usuarios.

Pero dita garantía suplementaria non está constituída só polo certificado, senón que se ampliou mediante a implantación doutras vías para a habilitación profesional, como a esixencia para o acceso ao rexistro do título de técnico deportivo en salvamento e socorrismo ou do título de técnico deportivo superior en salvamento e socorrismo, ou ben da acreditación de ter superado as catro unidades de competencia da cualificación profesional de socorrismo en instalacións acuáticas ou/e espazos naturais, todas elas coas especificacións do artigo 6.

As referidas garantías suplementarias de presente e futuro dunha axeitada prestación de servizos de calidade, esixían e esixen xestionar o cambio incorporando transitoriamente aos profesionais formados ao abeiro da situación anterior, polo que mediante a disposición transitoria única e durante o período transitorio de 5 anos permitíase garantir a obtención por

parte das persoas interesadas da acreditación das unidades de competencia da cualificación profesional correspondente, e poderíanse inscribirse de forma provisional no Rexistro Profesional de Socorristas de Galicia as persoas que, no momento da entrada en vigor desta normativa cumprisen cos requisitos da referida disposición transitoria.

Deste xeito, cunha planificación de futuro, de presente e da realidade social, en resumo, regulábase a formación mínima e a transitoriedade, que constituíron durante estes anos eixos principais da profesión de socorrista.

Non obstante, durante o tempo de vixencia do actual Decreto, púxose de manifesto a necesidade de introducir determinadas modificacións dirixidas a tres obxectivos principais:

Por unha banda, manter o alto nivel de esixencia para a prestación dos servizos de cualificación e calidade á cidadanía usuaria, mantendo o certificado de profesionalidade como eixo central, ademais das outras titulacións ou acreditacións especificadas no artigo 6 do Decreto.

Doutra, incorporar mediante unha ordenada formación de adaptación á profesión aos graduados en ciencias da actividade física e o deporte e aos técnicos superiores en animación de actividades físicas e deportivas, sendo que constitúen titulacións especialmente vinculadas á actividade física e o deporte e que cos cursos de adaptación de mais de 270 e 265 horas segundo sexa para espazos acuáticos naturais ou instalacións acuáticas, conformarán profesionais cunha alta cualificación para prestar un servizo de alta calidade.

E como terceiro obxectivo, ampliar o prazo para que aos profesionais formados con anterioridade á actual regulación se lles garanta a posibilidade da obtención da cualificación ou formación profesional correspondente.

Ademais destes principais obxectivos, cómpre destacar que a modificación regula as entidades que poderán realizar os cursos de adaptación, baixo o criterio da experiencia ou da especial vinculación aos destinatarios, posibilitando tamén que as Entidades Locais poidan programar dita formación.

E finalmente, en coherencia co anterior, aproveitase para ampliar a regulación dos cursos de reciclaxe establecendo como entidades formadoras ás mesmas que para os cursos de adaptación.

En virtude do exposto, por proposta do vicepresidente e conselleiro de Presidencia, Administracións Públicas e Xustiza, facendo uso das atribucións conferidas pola Lei 1/1983, do

22 de febreiro, de normas reguladoras da Xunta e da súa Presidencia, e logo de deliberación do Consello da Xunta de Galicia na súa reunión do día _____ ,

DISPOÑO:

Artigo único. Modificación do Decreto 104/2012, do 16 de marzo, polo que se fixa a formación mínima dos socorristas acuáticos e se crea e regula o Rexistro Profesional de Socorristas Acuáticos de Galicia.

O Decreto 104/2012, do 16 de marzo, polo que se fixa a formación mínima dos socorristas acuáticos e se crea e regula o Rexistro Profesional de Socorristas Acuáticos de Galicia, da Consellería de Presidencia, Administracións Públicas e Xustiza, queda modificado como segue:

Un. Engádense dous novos apartados D) e E) no punto 1 e 2 do artigo 6 :

Artigo 6.1:

D) Título de Graduado en Ciencias da Actividade Física e o Deporte xunto co certificado de ter superado o curso de adaptación da actividade física e deportiva ao socorrismo en instalacións acuáticas (CAFDO-IA), establecido no anexo V e impartido polas entidades sinaladas na disposición adicional primeira.

E) Título de Técnico Superior en Animación de Actividades Físicas e Deportivas xunto co certificado de ter superado o curso de adaptación da actividade física e deportiva ao socorrismo en instalacións acuáticas (CAFDO-IA), establecido no anexo V e impartido polas entidades sinaladas na disposición adicional primeira.

Artigo 6.2:

D) Título de Graduado en Ciencias da Actividade Física e o Deporte xunto co certificado de ter superado o curso de adaptación da actividade física e deportiva ao socorrismo en espazos acuáticos naturais (CAFDO-EAN), establecido no anexo VI e impartido polas entidades sinaladas na disposición adicional primeira.

E) Título de Técnico Superior en Animación de Actividades Físicas e Deportivas xunto co certificado de ter superado o curso de adaptación da actividade física e deportiva ao socorrismo en espazos acuáticos naturais (CAFDO-EAN), establecido no anexo VI e impartido polas entidades sinaladas na disposición adicional primeira.

Dous. Engádense unha disposición adicional primeira:

Disposición adicional primeira: Entidades autorizadas para impartir os cursos de adaptación da actividade física e deportiva ao socorrismo en instalacións acuáticas (CAFDO-IA) e en espazos acuáticos naturais (CAFDO-EAN), obriga de comunicación e facultades de control:

1. As entidades que poderán impartir o curso de adaptación da actividade física e deportiva ao socorrismo en instalacións acuáticas e o curso de adaptación da actividade física e deportiva ao socorrismo en espazos acuáticos naturais, de acordo co establecido no anexo V, VI, e VII serán as seguintes:

a.- As entidades acreditadas conforme ao Decreto 106/2011, do 19 de maio, polo que se crea o Rexistro de Centros e Entidades de Formación para o Emprego da Consellería de Traballo e Benestar e regúlase o procedemento para a inscrición e, no seu caso, acreditación dos centros e entidades que impartan formación para o emprego no territorio da Comunidade Autónoma de Galicia.

b.- As Universidades da Coruña, Vigo e Santiago de Compostela

c.- Os centros de Galicia que teñan autorizadas as ensinanzas deportivas na modalidade de Salvamento e Socorrismo, así como aqueles que teñan autorizado o ciclo superior de Animación de Actividades Físicas e Deportivas da familia profesional de Actividades Físicas e Deportivas, sempre que cumpran os requisitos establecidos neste decreto.

d.- As Entidades Locais de Galicia

2. As entidades deberán comunicar por escrito cunha antelación mínima dun mes á Academia Galega de Seguridade Pública a celebración dos cursos, sen que sexa precisa unha autorización expresa para a súa realización.

A comunicación deberá conter, sen prexuízo da facultade para requirir calquera outra documentación que se estime oportuna, o seguinte:

- A denominación do curso
- Nome, apelidos e teléfono móbil de contacto do responsable do curso
- As datas e lugares de realización
- O número de alumnado previsto
- Declaración do representante legal da entidade na que conste que o curso cumpre coa legalidade vixente.

3. No suposto de incumprimento do prazo de comunicación ou do contido da mesma e sen prexuízo dos requirimentos que procedan para a súa emenda, o curso non poderá celebrarse e carecerá de validez para a inscrición no rexistro.

4. Recibida correctamente a comunicación, a Academia notificará a súa recepción.

5. Ao remate do curso, as entidades deberán remitir á Agasp, nun prazo de 10 días, un certificado expedido polo representante legal da entidade que conteña o seguinte:

- A denominación do curso
- Nome, apelidos e teléfono móbil de contacto do responsable do curso
- As datas e lugares de realización
- A relación de alumnos presentados, matriculados e aptos especificando nomes, apelidos e DNI.
- Declaración do representante legal da entidade na que conste que o curso realizouse cumprindo coa legalidade vixente.

6. A Academia Galega de Seguridade Pública poderá requirir calquera documentación que considere oportuna, e directamente, mediante contrato, convenio ou calquera outro instrumento xurídico válido con terceiro, queda facultada para exercer calquera tipo de control ou inspección sobre o referido curso, así como para ditar as resolucións que procedan, incluída se fose o caso, a suspensión do mesmo. As resolucións serán ditadas pola persoa que ocupe a Dirección Xeral da Academia.

Tres.- Engádese unha disposición adicional segunda:

Disposición adicional segunda: Realización dos cursos pola Academia Galega de Seguridade Pública

A Academia Galega de Seguridade Pública, nas súas propias instalacións existentes ou ben mediante contrato, convenio ou calquera outro instrumento xurídico válido con terceiro, poderá impartir os cursos de adaptación da actividade física e deportiva ao socorrismo en instalacións acuáticas e o de adaptación da actividade física e deportiva ao socorrismo en espazos acuáticos naturais.

Catro.- Engádese unha disposición adicional terceira:

Disposición adicional terceira: Entidades autorizadas para impartir os cursos de formación continua establecidos no apartado 3 do artigo 10:

As entidades autorizadas para impartir os cursos de formación continua establecidos no apartado 3 do artigo 10 serán as mesmas que as establecidas na disposición adicional primeira e segunda.

Para a realización desta formación continua aplicarase igualmente a disposición adicional primeira e segunda.

Cinco.- A disposición transitoria única pasa a denominarse “disposición transitoria primeira”

Seis. Engádese unha nova disposición transitoria segunda:

Disposición transitoria segunda: Prórroga do prazo da inscrición provisional:

1.- Prorrógase ata o día 10 de abril de 2021 o período transitorio establecido no parágrafo primeiro da disposición transitoria única do Decreto 104/2012, do 16 de marzo, polo que se fixa a formación mínima dos socorristas acuáticos e se crea e regula o Rexistro Profesional de Socorristas Acuáticos de Galicia.

2.- A inscrición provisional dos socorristas acuáticos practicada ao abeiro da anterior disposición transitoria única, quedará prorrogada automaticamente, sen necesidade de presentar documentación algunha e sen prexuízo do dereito a solicitar a baixa no rexistro.

3.- Antes do 31 de decembro de 2017, a Academia remitirá, ao enderezo que conste no rexistro de cada inscrito, o distintivo co novo período de validez.

4.- As novas solicitudes de inscrición provisional para as persoas que non estivesen no rexistro realizarase polo período que proceda, segundo resulte da data de resolución de nova inscrición e como máximo polo novo período de catro anos. Para as novas inscricións aplicarase a regulación establecida no Decreto 104/2012, de 16 de marzo.

Disposición derradeira. Entrada en vigor.

Este decreto **entrará en vigor o día 10 de abril de 2017** unha vez publicado no Diario Oficial de Galicia.

Santiago de Compostela

Alberto Núñez Feijóo
Presidente

Alfonso Rueda Valenzuela

Vicepresidente e conselleiro de Presidencia, Administracións Públicas e Xustiza

ANEXO V

CURSO DE ADAPTACIÓN DA ACTIVIDADE FÍSICA E DEPORTIVA PARA O EXERCICIO PROFESIONAL DO SOCORRISMO EN INSTALACIÓNS ACUÁTICAS NA COMUNIDADE AUTÓNOMA DE GALICIA

CÓDIGO:	CAFDO – IA
DESTINATARIOS:	GRADUADOS OU GRADUADAS EN CIENCIAS DA ACTIVIDADE FÍSICA E O DEPORTE TÉCNICOS OU TÉCNICAS SUPERIORES EN ANIMACIÓN DE ACTIVIDADES FÍSICAS E DEPORTIVAS
NÚMERO DE HORAS:	265 HORAS

CÓDIGO DO MÓDULO	DENOMINACIÓN DO MÓDULO FORMATIVO
CAFDO-IA - 1	PROBA ESPECÍFICA
CAFDO-IA - 2	PREVENCIÓN DE SITUACIÓNS DE RISCO E VIXILANCIA EN INSTALACIÓNS ACUÁTICAS
CAFDO-IA - 3	INTERVENCIÓN E RESCATE EN INSTALACIÓNS ACUÁTICAS
CAFDO-IA - 4	PRIMEIROS AUXILIOS E ACTUACIÓN INICIAL EN EMERXENCIAS NAS INSTALACIÓNS ACUÁTICAS
CAFDO-IA - 5	PRÁCTICAS PROFESIONAIS NON LABORAIS DE SOCORRISMO EN INSTALACIÓNS ACUÁTICAS

MÓDULO FORMATIVO		Duración total en horas
CAFDO-IA - 1	PROBA ESPECÍFICA	120
CAFDO-IA - 2	PREVENCIÓN DE SITUACIÓNS DE RISCO E VIXILANCIA EN INSTALACIÓNS ACUÁTICAS	15
CAFDO-IA - 3	INTERVENCIÓN E RESCATE EN INSTALACIÓNS ACUÁTICAS	25
CAFDO-IA - 4	PRIMEIROS AUXILIOS E ACTUACIÓN INICIAL EN EMERXENCIAS NAS INSTALACIÓNS ACUÁTICAS	25
CAFDO-IA - 5	PRÁCTICAS PROFESIONAIS NON LABORAIS DE SOCORRISMO EN INSTALACIÓNS ACUÁTICAS	80
TOTAL (120 PROBA DE ACCESO + 65 DE FORMACIÓN + 80 PRÁCTICAS PROFESIONAIS)		265

DESCRINCIÓN DOS MÓDULOS QUE SE DEBERÁN CURSAR:

MÓDULO FORMATIVO:

CAFDO-IA - 1	PROBA ESPECÍFICA	120 horas
---------------------	------------------	-----------

Resultados de aprendizaxe e criterios de avaliación:

Desenvólvese no ambiente acuático executando técnicas específicas de nado e habilidades e destrezas específicas con eficacia e seguridade.

- a) Executouse o mergullo e a orientación posterior no ambiente acuático durante o desprazamento de xeito eficaz.
 - Entrada á auga de pé mantendo o equilibrio e o control do corpo no aire durante o salto.
 - Entrada á auga de cabeza de xeito hidrodinámico, mantendo o control do corpo no aire durante o salto.
- b) Realizouse o nado en apnea durante a distancia establecida, manténdose preto do chan da piscina, sen saír á superficie e mantendo a dirección da proba.
- c) Mantívose a flotación durante a colocación das aletas, mantendo a orientación e utilizando cando menos unha técnica identificable.
- d) Executáronse varios xiros nos diferentes eixes cada 25 metros e cada cambio de estilo durante o desprazamento na auga mantendo a flotación e a orientación, e permitindo a observación do contorno.
- e) Executáronse as técnicas de *crol* con cabeza fóra da auga, braza completa, costas con aletas e *crol* con aletas, mantendo a dirección da proba, coordinando os movementos coa respiración e adaptándose ao uso do material auxiliar.
- f) Mantívose a eficacia no desprazamento, a velocidade e resistencia de nado, realizando a totalidade da proba en menos de cinco minutos e trinta segundos.

Proba asociada «Combinada con aletas»

- A persoa aspirante situada na banqueta de saída da piscina introdúcese na auga (de pé ou de cabeza, segundo a proposta do tribunal) e mergúllase ata o fondo da piscina (mínimo 1,80 metros de profundidade).
- A continuación percorre en apnea prolongada unha distancia de 10 a 15 metros.
- Ascende á superficie e completa os primeiros 25 metros nadando a estilo libre.
- Posteriormente percorre 25 metros a estilo *crol* coa cabeza fóra, mantendo a visión fóra da auga, a orientación e a observación do contorno.
- Seguidamente realizará 50 metros a estilo braza.
- Logo de percorridos, colócase as aletas situadas nun extremo do bordo do vaso manténdose en flotación dinámica.
- Despois de colocar as aletas percorre 50 metros nadando a estilo costas.

- Segue 50 metros nadando a estilo *crol* e dáse por finalizada a proba.

Condições básicas de realización da proba de acceso: espazo e equipamentos

Espazo: piscina de 25 m × 1,80 m de profundidade.

Equipamento e material: un par de aletas por alumno/a.

MÓDULO FORMATIVO:

CAFDO-IA - 2	PREVENCIÓN DE SITUACIÓNS DE RISCO E VIXILANCIA EN INSTALACIÓNS ACUÁTICAS	15 horas
--------------	--	----------

Resultados de aprendizaxe:

- Definir e aplicar técnicas específicas de supervisión e análise do contexto de intervención para detectar factores de perigosidade en zonas de baño habituais en instalacións acuáticas.
- Identificar e determinar os recursos materiais tendo en conta factores de prevención, vixilancia, rescate e atención primaria ao accidentado, e o seu mantemento.
- Elaborar e/ou adaptar protocolos de actuación preventivos, de rescate e de evacuación segundo as tipoloxías de accidentes.
- Deseñar un protocolo de actuación a seguir en caso de condutas inadecuadas ou incorrectas por parte dos usuarios ou usuarias da instalación, ante a existencia dunha modificación das condicións de salubridade do centro acuático.
- Seleccionar a información que un centro acuático debe dar aos seus usuarios ou usuarias para mellorar a seguridade das súas actividades.
- Concienciar sobre as condutas que deben ter os usuarios ou usuarias respecto aos espazos e elementos naturais da instalación.
- Determinar as medidas que debe adoptar o socorrista ou a socorrista considerando a súa identificación permanente, a súa auto-protección e a prevención de riscos laborais.
- Definir e aplicar diferentes técnicas de comunicación e habilidades sociais relativas a diferentes usuarios ou usuarias e situacións, garantindo a seguridade e a boa convivencia.
- Definir técnicas e protocolos de vixilancia nas zonas de baño público, considerando as características da instalación acuática.

Contidos:

- Lexislación específica e relacionada co socorrismo en instalacións acuáticas:
 - Leis e normativas relacionadas coa seguridade en instalacións acuáticas:
 - Dereitos e deberes laborais do socorrista ou da socorrista acuático/a.
 - Responsabilidade civil e penal do socorrista da socorrista acuático/a.
 - Barreiras arquitectónicas: lexislación estatal e autonómica, factores e recursos de seguridade.
 - Organización do socorrismo en instalacións acuáticas, recursos humanos e materiais en: piscinas, parques acuáticos, piscinas naturais.
- Vixilancia e prevención de accidentes en instalacións acuáticas: prevención, vixilancia, riscos laborais, protocolos de actuación e plans de emerxencia.

- Comunicación aplicada a situacións de prevención de riscos: técnicas de comunicación aplicadas a situacións de prevención de riscos, sistemas de comunicación interna e externa.

MÓDULO FORMATIVO:

CAFDO-IA - 3	INTERVENCIÓN E RESCATE EN INSTALACIÓNS ACUÁTICAS	25 horas
---------------------	---	-----------------

Unidade formativa 1: Técnicas de nado e condición física no rescate de accidentados ou accidentadas en instalacións acuáticas (10 horas).

Resultados de aprendizaxe:

- Desenvolver un programa específico de mantemento do nivel de condición física e de adestramento de técnicas de intervención eficaz do socorrista ou da socorrista en instalacións acuáticas.
- Facilitar a incorporación de novas tendencias e protocolos e plans de actuación ante emerxencias en instalacións acuáticas.

Contidos:

- Mergullo básico: noicións físicas aplicadas ao mergullo, mergullo con equipo subacuático sinxelo: aletas, lentes e tubo, modificacións da visión.
- Acondicionamento físico do socorrista ou da socorrista: o adestramento no medio acuático; adestramento específico das técnicas de traslado en socorrismo acuático.

Unidade formativa 2: Extracción e traslado de accidentados ou accidentadas en instalacións acuáticas. (15 horas).

Resultados de aprendizaxe:

- Valorar as situacións de emerxencia que poden acontecer nas diferentes instalacións acuáticas establecendo os procedementos para o rescate.
- Executar con seguridade e eficacia as manobras de entrada, aproximación, control e traslado no medio acuático, adaptándoas a diferentes situacións.
- Describir as técnicas de comunicación no trato co accidentado ou accidentada e/ou acompañantes en función da situación de emerxencia.
- Definir as técnicas de autocontrol ante situacións de emerxencia.

Contidos:

- Intervención no socorrismo acuático.
 - Características da auga e consideracións relativas á roupa e o calzado.
 - Organización do salvamento e socorrismo.
 - A percepción do problema: elementos esenciais na percepción.
 - O análise da situación.
 - A toma de decisións.
 - Execución das accións de rescate.

- Técnicas de rescate en instalacións acuáticas:
 - De localización, puntos de referencia e composición de lugar.
 - A utilización do material como medio auxiliar de rescate acuático: aro salvavidas, tubo de rescate, boia torpedo.
 - Técnicas de entrada na auga: con ou sen material.
 - Técnicas de aproximación, contacto, traslado, e extracción do accidentado.

MÓDULO FORMATIVO:

CAFDO-IA - 4	PRIMEIROS AUXILIOS E ACTUACIÓN INICIAL EN EMERXENCIAS NAS INSTALACIÓN ACUÁTICAS	25 horas
---------------------	--	-----------------

Resultados de aprendizaxe:

- Identificar as características da asistencia como primeiro ou primeira interviniente.
- Aplicar técnicas de valoración inicial segundo o protocolo establecido accedendo ao accidentado ou accidentada de forma oportuna e asegurando un contorno seguro.
- Aplicar técnicas de soporte vital segundo o protocolo establecido.
- Identificar os primeiros auxilios que se deben prestar para as lesións ou patoloxías máis frecuentes e aplicar as técnicas de primeiros auxilios segundo os protocolos establecidos.
- Aplicar métodos de mobilización e inmovilización que permitan a evacuación do accidentado ou accidentada se fose necesario.
- Aplicar técnicas de apoio psicolóxico ao accidentado ou accidentada e a familiares.
- Aplicar técnicas de autocontrol antes situacións de estrés.

Contidos:

- Fundamentos dos primeiros auxilios: definición de accidente, urxencia e emerxencia; aspectos ético-legais no primeiro interviniente.
- Actuación do primeiro ou primeira interviniente: riscos na intervención; seguridade e protección durante a intervención; prevención de contaxios e enfermidades.
- Técnicas de apoio psicolóxico en primeiros auxilios: medidas, técnicas e estratexias de autocontrol emocional para superar situacións de ansiedade, agresividade, angustia, dó e estrés.
- Técnicas e manobras da primeira asistencia ao accidentado ou accidentada: RCP básica e obstrución da vía aérea por corpo extraño; desfibrilación precoz; intervención prehospitalaria en afogamentos e lesionados ou lesionadas medulares no medio acuático; a caixa de primeiros auxilios e a enfermaría.
- Emerxencias colectivas e catástrofes: sistemas de emerxencia; accidentes de tráfico; emerxencias colectivas e catástrofes.

MÓDULO FORMATIVO:

CAFDO-IA - 5	PRÁCTICAS PROFESIONAIS NON LABORAIS DE SOCORRISMO EN INSTALACIÓN ACUÁTICAS	80 horas
---------------------	---	-----------------

Resultados de aprendizaxe:

- Completar a adquisición de competencias profesionais propias do Socorrismo en Instalacións Acuáticas acadadas a través dos contidos teóricos e prácticos propios do curso en situacións laborais reais.
- Adquirir unha identidade e unha madureza profesional motivadoras para a aprendizaxe ao longo da vida e para as adaptacións aos cambios das necesidades de formación.

ANEXO VI

CURSO DE ADAPTACIÓN DA ACTIVIDADE FÍSICA E DEPORTIVA PARA O EXERCICIO PROFESIONAL DO SOCORRISMO EN ESPAZOS ACUÁTICOS NATURAIS NA COMUNIDADE AUTÓNOMA DE GALICIA

CÓDIGO:	CAFDO – EAN
DESTINATARIOS:	GRADUADOS OU GRADUADAS EN CIENCIAS DA ACTIVIDADE FÍSICA E O DEPORTE TÉCNICOS OU TÉCNICAS SUPERIORES EN ANIMACIÓN DE ACTIVIDADES FÍSICAS E DEPORTIVAS
NÚMERO DE HORAS:	270 HORAS

CÓDIGO DO MÓDULO	DENOMINACIÓN DO MÓDULO FORMATIVO
CAFDO-EAN - 1	PROBA ESPECÍFICA
CAFDO-EAN - 2	PREVENCIÓN DE SITUACIÓNS DE RISCO E VIXILANCIA EN ESPAZOS ACUÁTICOS NATURAIS
CAFDO-EAN - 3	INTERVENCIÓN E RESCATE EN ESPAZOS ACUÁTICOS NATURAIS
CAFDO-EAN - 4	PRIMEIROS AUXILIOS E ACTUACIÓN INICIAL EN EMERXENCIAS NOS ESPAZOS ACUÁTICOS NATURAIS
CAFDO-EAN - 5	PRÁCTICAS PROFESIONAIS NON LABORAIS DE SOCORRISMO EN ESPAZOS ACUÁTICOS NATURAIS

MÓDULO FORMATIVO		Duración total en horas
CAFDO-EAN - 1	PROBA ESPECÍFICA	120
CAFDO-EAN - 2	PREVENCIÓN DE SITUACIÓNS DE RISCO E VIXILANCIA EN ESPAZOS ACUÁTICOS NATURAIS	20
CAFDO-EAN - 3	INTERVENCIÓN E RESCATE EN ESPAZOS ACUÁTICOS NATURAIS	25
CAFDO-EAN - 4	PRIMEIROS AUXILIOS E ACTUACIÓN INICIAL EN EMERXENCIAS NOS ESPAZOS ACUÁTICOS NATURAIS	25
CAFDO-EAN - 5	PRÁCTICAS PROFESIONAIS NON LABORAIS DE SOCORRISMO EN ESPAZOS ACUÁTICOS NATURAIS	80
TOTAL (120 PROBA DE ACCESO + 70 DE FORMACIÓN + 80 PRÁCTICAS PROFESIONAIS)		270

DESCRIPCIÓN DOS MÓDULOS QUE SE DEBERÁN CURSAR:

MÓDULO FORMATIVO:

CAFDO-EAN - 1	PROBA ESPECÍFICA	120 horas
---------------	------------------	-----------

Resultados de aprendizaxe e criterios de avaliación:

Desenvólvese no ambiente acuático executando técnicas específicas de nado e habilidades e destrezas específicas con eficacia e seguridade.

- a) Execútouse o mergullo e a orientación posterior no ambiente acuático durante o desprazamento de xeito eficaz.
- Entrada á auga de pé mantendo o equilibrio e o control do corpo no aire durante o salto.
 - Entrada á auga de cabeza de xeito hidrodinámico, mantendo o control do corpo no aire durante o salto.
- b) Realizouse o nado en apnea durante a distancia establecida, manténdose preto do chan da piscina, sen saír á superficie e mantendo a dirección da proba.
- c) Mantívose a flotación durante a colocación das aletas, mantendo a orientación e utilizando cando menos unha técnica identificable.
- d) Executáronse varios xiros nos diferentes eixes cada 25 metros e cada cambio de estilo durante o desprazamento na auga mantendo a flotación e a orientación, e permitindo a observación do contorno.
- e) Executáronse as técnicas de *crol* con cabeza fóra da auga, braza completa, costas con aletas e *crol* con aletas, mantendo a dirección da proba, coordinando os movementos coa respiración e adaptándose ao uso do material auxiliar.
- f) Mantívose a eficacia no desprazamento, a velocidade e resistencia de nado, realizando a totalidade da proba en menos de cinco minutos e trinta segundos.

Proba asociada «Combinada con aletas»

- A persoa aspirante situada na banquetta de saída da piscina introdúcese na auga (de pé ou de cabeza, segundo a proposta do tribunal) e mergúllase ata o fondo da piscina (mínimo 1,80 metros de profundidade).
- A continuación percorre en apnea prolongada unha distancia de 10 a 15 metros.
- Ascende á superficie e completa os primeiros 25 metros nadando a estilo libre.
- Posteriormente percorre 25 metros a estilo *crol* coa cabeza fóra, mantendo a visión fóra da auga, a orientación e a observación do contorno.
- Seguidamente realizará 50 metros a estilo.

- Logo de percorridos, colócase as aletas situadas nun extremo do bordo do vaso manténdose en flotación dinámica.
- Despois de colocar as aletas percorre 50 metros nadando a estilo espalda.
- Segue 50 metros nadando a estilo *crol* e dáse por finalizada a proba.

Condições básicas de realización da proba de acceso: espazo e equipamentos

Espazo: piscina de 25 m × 1,80 m de profundidade.

Equipamento e material: un par de aletas por alumno/a.

MÓDULO FORMATIVO:

CAFDO-EAN - 2	PREVENCIÓN DE SITUACIÓNS DE RISCO E VIXILANCIA EN ESPAZOS ACUÁTICOS NATURALS	20 horas
----------------------	---	-----------------

Resultados de aprendizaxe:

- Definir e aplicar técnicas específicas de supervisión e análise do contexto de intervención para detectar factores de perigosidade en zonas de baño habituais en espazos acuáticos naturais.
- Identificar e determinar os recursos materiais tendo en conta factores de prevención, vixilancia, rescate e atención primaria ao accidentado ou accidentada, e o seu mantemento.
- Elaborar e/ou adaptar protocolos de actuación preventivos, de rescate e de evacuación segundo as tipoloxías de accidentes.
- Determinar as medidas que debe adoptar o socorrista ou a socorrista considerando a súa identificación permanente, a súa auto-protección e a prevención de riscos laborais.
- Definir e aplicar diferentes técnicas de comunicación e habilidades sociais relativas a diferentes usuarios ou usuarias e situacións, garantindo a seguridade e a boa convivencia.
- Formar aos usuarios ou usuarias sobre as condutas que deben adoptar en canto á conservación e respecto polos espazos acuáticos naturais e o seu entorno.
- Definir técnicas e protocolos de vixilancia nas zonas de baño público, considerando as características do espazo acuático natural.

Contidos:

- Lexislación específica e relacionada co socorrismo en espazos acuáticos naturais:
 - Leis e normativas relacionadas coa seguridade en espazos acuáticos naturais:
 - Dereitos e deberes laborais do socorrista ou da socorrista acuático/a.
 - Responsabilidade civil e penal do socorrista ou da socorrista acuático/a.
 - Barreiras arquitectónicas: lexislación estatal e autonómica, factores e recursos de seguridade.

- Organización do socorrismo en espazos naturais, recursos humanos e materiais en: praias fluviais, encoros e lagos, ríos e riadas, praias de bandeira azul.
- Vixilancia e prevención de accidentes en espazos acuáticos naturais: prevención, vixilancia, riscos laborais, protocolos de actuación e plans de emerxencia.
- Comunicación aplicada a situacións de prevención de riscos: técnicas de comunicación aplicadas a situacións de prevención de riscos, sistemas de comunicación interna e externa.
- Factores ambientais, influencia na intervención do socorrista ou da socorrista en espazos acuáticos naturais: tipos de espazos e características, factores atmosféricos, factores que afectan ao medio acuático, factores humanos: tipos de espazos e características; factores atmosféricos; factores que afectan ao medio acuático.

MÓDULO FORMATIVO:

CAFDO-EAN - 3	INTERVENCIÓN E RESCATE EN ESPAZOS ACUÁTICOS NATURAIS	25 horas
----------------------	---	-----------------

Unidade formativa 1: Técnicas de nado e condición física no rescate de accidentados ou accidentadas en espazos acuáticos naturais (10 horas).

Resultados de aprendizaxe:

- Adaptar as habilidades, destrezas e técnicas de nado ás condicións do contorno nos diferentes espazos acuáticos naturais
- Desenvolver un programa específico de mantemento do nivel de condición física e de adestramento de técnicas de intervención eficaz do socorrista ou da socorrista en espazos acuáticos naturais.
- Facilitar a incorporación de novas tendencias e protocolos e plans de actuación ante emerxencias en espazos acuáticos naturais.

Contidos:

- Mergullo básico: nocións físicas aplicadas ao mergullo, mergullo con equipo subacuático sinxelo: aletas, lentes e tubo, modificacións da visión.
- Aplicación das técnicas de entrada na auga e de aproximación ao accidentado ou accidentada: sen material, con material; desde a beira; desde as embarcacións; a roupa no salvamento; os estilos de nado adaptados ao salvamento no medio natural.
- Acondicionamento físico do socorrista ou da socorrista: o adestramento no medio acuático; adestramento específico das técnicas de traslado en socorrismo acuático.

Unidade formativa 2: Extracción e traslado de accidentados ou accidentadas en espazos acuáticos naturais. (15 horas).

Resultados de aprendizaxe:

- Valorar as situacións de emerxencia que poden acontecer nas diferentes espazos acuáticos naturais establecendo os procedementos para o rescate.
- Determinar con seguridade e eficacia as técnicas de rescate desde a beira e desde as embarcacións adaptándoas ás condicións do contorno, accidente, estado da vítima e

recursos humanos e materiais dispoñibles.

- Describir as técnicas de comunicación no trato co accidentado ou accidentada e/ou acompañantes en función da situación de emerxencia.
- Definir as técnicas de autocontrol ante situacións de emerxencia.

Contidos:

- Técnicas de rescate en espazos acuáticos naturais:
 - De localización, puntos de referencia e composición de lugar.
 - A utilización do material como medio auxiliar de rescate acuático: aro salvavidas, tubo de rescate, boia torpedo, táboa de salvamento, moto acuática, embarcación a motor, o carrete de rescate.
 - A evacuación do accidentado ou accidentada: coordinación con outros recursos.
- Manobras, tarefas e técnicas específicas nos diferentes espazos acuáticos naturais:
 - Intervención do socorrista ou da socorrista acuático/a desde embarcacións acuáticas de rescate.
 - Liñas de seguridade, balizamentos e acoutación de zonas.
 - Coordinación con outros recursos.

MÓDULO FORMATIVO:

CAFDO-EAN - 4	PRIMEIROS AUXILIOS E ACTUACIÓN INICIAL EN EMERXENCIAS NOS ESPAZOS ACUÁTICOS NATURAIS	25 horas
----------------------	---	-----------------

Resultados de aprendizaxe:

- Identificar as características da asistencia como primeiro ou primeira interveniente.
- Aplicar técnicas de valoración inicial segundo o protocolo establecido accedendo ao accidentado de forma oportuna e asegurando un contorno seguro.
- Aplicar técnicas de soporte vital segundo o protocolo establecido.
- Identificar os primeiros auxilios que se deben prestar para as lesións ou patoloxías máis frecuentes e aplicar as técnicas de primeiros auxilios segundo os protocolos establecidos.
- Aplicar métodos de mobilización e inmovilización que permitan a evacuación do accidentado ou accidentada se fose necesario.
- Aplicar técnicas de apoio psicolóxico ao accidentado ou accidentada e a familiares.
- Aplicar técnicas de autocontrol antes situacións de estrés.

Contidos:

- Fundamentos dos primeiros auxilios: definición de accidente, urxencia e emerxencia; aspectos ético-legais no primeiro ou primeira interveniente.
- Actuación do primeiro ou primeira interveniente: riscos na intervención; seguridade e protección durante a intervención; prevención de contaxios e enfermidades.
- Técnicas de apoio psicolóxico en primeiros auxilios: medidas, técnicas e estratexias de autocontrol emocional para superar situacións de ansiedade, agresividade, angustia, dó e estrés.
- Técnicas e manobras da primeira asistencia ao accidentado ou accidentada: RCP

básica e obstrución da vía aérea por corpo extraño; desfibrilación precoz; intervención prehospitalaria en afogamentos e lesionados ou lesionadas medulares no medio acuático; a caixa de primeiros auxilios e a enfermaría.

- Emerxencias colectivas e catástrofes: sistemas de emerxencia; accidentes de tráfico; emerxencias colectivas e catástrofes.

MÓDULO FORMATIVO:

CAFDO-EAN - 5	PRÁCTICAS PROFESIONAIS NON LABORAIS DE SOCORRISMO EN ESPAZOS ACUÁTICOS NATURAIS	80 horas
----------------------	--	-----------------

Resultados de aprendizaxe:

- Completar a adquisición de competencias profesionais propias do Socorrismo en Espazos Acuáticos Naturais acadadas a través dos contidos teóricos e prácticos propios do curso, en situacións laborais reais.
- Adquirir unha identidade e unha madureza profesional motivadoras para a aprendizaxe ao longo da vida e para as adaptacións aos cambios das necesidades de formación.

ANEXO VII

OBSERVACIÓNS DE CARÁCTER XERAL PARA ANEXO V e ANEXO VI

CURSO DE ADAPTACIÓN DA ACTIVIDADE FÍSICA E DEPORTIVA PARA O EXERCICIO PROFESIONAL DO SOCORRISMO EN INSTALACIÓNS ACUÁTICAS NA COMUNIDADE AUTÓNOMA DE GALICIA

CURSO DE ADAPTACIÓN DA ACTIVIDADE FÍSICA E DEPORTIVA PARA O EXERCICIO PROFESIONAL DO SOCORRISMO EN ESPAZOS ACUÁTICOS NATURAIS NA COMUNIDADE AUTÓNOMA DE GALICIA

I.- REQUISITOS DE FORMACIÓN DE PROFESORADO:

O profesorado deberá acreditar como mínimo a seguinte experiencia docente ou actividade no ámbito deportivo e laboral:

Experiencia docente acreditable	Actividade no ámbito deportivo e laboral
Polo menos 100 horas de docencia acreditada en formación de adestradores/as nos niveis 1, 2 ou 3 de salvamento e socorrismo nas formacións ás que se refiren as disposicións adicional quinta e transitoria primeira do Real decreto 1363/2007, do 24 de outubro, e a disposición transitoria primeira do Real decreto 1913/1997, do 19	Polo menos dous anos de exercicio deportivo-laboral relacionado cos resultados de aprendizaxe e contidos do módulo, realizado nos catro anos inmediatamente anteriores ao nomeamento.

de decembro.	
--------------	--

II.- REQUISITOS MÍNIMOS DE ESPAZOS, INSTALACIÓNS E EQUIPAMENTOS:

Espazo formativo	Superficie m2 15 alumnos/as	Superficie m2 25 alumnos/as
Aula polivalente	60	100
Ximnasio	90	120
Piscina climatizada de 25 m de largo 1,80 m de profundidade na parte máis profunda	120	120
Espazo acuático natural con zona de baño público		

Espazo formativo	Equipamento mínimo
Aula polivalente	- Mesa e cadeira para o/a formador/a; mesas e cadeiras para os/as alumnos/as; encerado; equipamentos audiovisuais; computador con acceso a Internet; canón de proxección.
	- Manequíns de primeiros auxilios (adulto e pediátrico). - Material de inmovilización e mobilización. - Material de curas. - Desfibrilador externo semiautomático. - Material de salvamento e socorrismo. - Material de rescate. - Material de comunicación.

As entidades promotoras de dita formación poderán establecer **convenios** de colaboración co fin de que as ensinanzas dos módulos formativos se poidan ofertar nun centro ou instalación, e o resto das ensinanzas noutro centro ou instalación diferente, sempre e cando reúna os requisitos mínimos esixidos.